

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第三八二號

據

清同治四年業刊纂修
清馬傳業纂修

影印

四川省

羅江縣志

(全)

成文出版社有限公司印行



中華民國六十五年 月臺一版

羅江縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

大清同治四年

四羅江志

本衙藏板

docsriver 文川网
入驻商家 古籍书城

在文川网搜索古籍书城 获取更多电子书

續修羅江縣志

凡例

縣志之有星野志是志地理舊志天文混仰觀爲俯察故以仰觀天象圖作分野圖今考天元厯理天文圖則星皆左旋分野圖則星皆右旋二圖分見諸星左右異旋則舊志之誤可知今特著論辨明且別爲圖具詳於後

一縣治疆域山川形勢振古如斯木闡有高岸爲谷深谷爲陵之異雖建置沿革古今不同然自嘉慶

七年復置後迄今畧無變更故舊志曰載者概不復贅

一農田水利縣境類同關隘津梁鄉村小異戶口經承平既久日益繁滋城池當兵燹之餘不無修補故嘉慶十七年以後因仍不改者從畧同治三年以前賊匪滋擾凡濬治城濠添修臺卡練圍阻隘籌餉算緡諸瑣務雜見錯出以備觀覽

政之理亂在於職官古人云人非堯舜豈能盡善歷任邑宰互有短長茲編於循吏必加詳善善從

長之義於稗政則從畧君子居是邦不非其大夫
之心微顯闡幽雖乏湘東銀筆荆姦摘伏敢忘南
史簡書閱者諒之

一縣境古蹟無多其燦然昭著者舊志悉載間有荒
山僻壤斷地墾田曠代奇蹤偶爾呈露此古人靈
爽不忍久而就湮也雖片碑半碣必爲表彰或已
經剝蝕漶漫難通者皆仍原文不妄增損以俟博
雅君子

一一代人物山川靈秀所鍾巋然傑出者恒不數觀

唐以前猶尚選舉宋元而後但重制科

聖朝棧樸作人士皆從事帖括未擢科第終屬凡庸縱有經綸何從表見故自前明高吳近世諸李而外間有甄收餘不濫採

一思孝義烈厲化攸關秉筆甚嚴仔心惟恕倘患其人而遷怒水中之蠅阿所好而推愛屋上之烏彼以輸貨求銘此以索米作傳嗚呼私何足傳信茲編於孝于忠臣不憚詳述至山林隱逸雖黃月旦者雖瑜不掩瑕亦間取一二其烈女節婦理宜

哀矜勿論已旌未旌凡有舉報概爲登收以備輶
軒之採

一此志纂自冬初成於冬末日月既促採訪難周金
石遺文仙釋異蹟網羅放散註漏貽譏其間有耳
目所及知舊志所未載者補入各條信以傳信疑
以傳疑以爲徵文考獻之助

...

序

邑志自嘉慶乙亥年脩後迄今又五十年邇來戶口日繁田疇益治民生其間罔不家崇齒讓戶習詩書固已沐

盛世承平之福矣竊以藍逆之變延及吾羅查有忠義節烈卓卓可稱雖販豎庸夫婦人孺子亦足以莫麗綱常扶持名教皜然與日月爭光苟不亟爲表彰奚以爲吾羅勸並爲天下後世勸傳業承之斯土適奉

大府檄續修縣志爰集紳耆遍加採訪間參未議
凡承平之紀載務覈其詳至若遭兵燹之蹂躪或
書其人記其事否則亦著其姓名於以見山川清
淑之氣積久必發而我

朝之敷仁布澤培養愈深然則斯志之續修實爲世道
人心所維繫是卽區區哀輯之意也夫

同治甲子年長至日知羅江縣事會稽馬傳業未慧

軒氏撰

續修羅江縣志銜名

鑒定

特授絲州直隸州知州

文

榮

漢軍正白旗貢生

總纂

特授絲州羅江縣知縣

馬傳業

浙江會稽縣生

參校

羅江縣

訓導

劉

憲

成都縣乙卯科舉人

羅江縣

典史

寸聯級

雲南鶴慶州吏員

督刊

羅江汛把總

黃玉泰 成都府人

纂修

乙酉科舉人

劉正慧 邑人前成都縣教諭

乙未科舉人

楊懋修 邑人前署塾江縣教諭

辛亥恩科舉人

張庭芳 邑人內江縣訓導

邑拔貢生

馮舉 候選州判

邑廩貢生

唐懋德 候選教諭

校對

王子科副榜

張翼 候選教諭

採訪

邑

廩

生

鄧英

邑

增

生

李華柱

邑

附

生

張昌儒

邑

附

生

羅世珍

邑上原

街名

同治四年

續修羅江縣志

星野志 天文圖辯

舊志天文圖必覆卷向下人日自下仰視執圖隨天左旋方合天象此爲仰觀者作圖則可但天有定體地之有分星當從其定體者分之亦不當以其運行者立象縣志志星野者所重在地天在上俯臨於地地在下仰承於天必上天下地兩相湊合方得舊志混仰觀爲俯察今斷從

欽定書經傳說彙纂中星圖及天元厯理漢術分野圖

docsriver 文川网
入驻商家 古籍书城

在文川网搜索古籍书城 获取更多电子书


今考文獻通考象緯考東方蒼龍七宿角亢氐房
心尾箕也北方元武七宿斗牛女虛危室壁也西
方白虎七宿奎婁胃鼎畢觜參也南方朱鳥七宿
井鬼柳星張翼軫也再考漢書天文志東宮亦號
蒼龍角亢等七宿雜出眾星之中先後雖不以次
而東方七宿仍在東也南宮亦號朱鳥西宮則曰
咸池七宿雜出無次並同東宮而南方七宿在南
西方七宿在西與通考不殊北宮亦號元武七宿
惟東壁不具餘六宿位北方者仍同通考此二十

八宿之有定方者然也復考淮南子天文訓中央
曰鈞天其星角亢氏東方曰蒼天其星房心尾東
北曰變天其星箕斗牽牛北方曰元天其星須女
虛危營室西北方曰幽天其星東壁奎婁西方曰
顛天其星胃昴畢西南方曰朱天其星觜雋參東
井南方曰炎天其星與鬼柳七星東南方曰陽天
其星張翼軫是其二十八宿分方雖小異而自角
亢以訖翼軫中間諸星先後次序俱同此二十八
宿之有定序者然也定序何爲東方先角後亢以

訖於箕考高厚蒙求中星表小滿亥初一刻角星
中亥正初刻二分亢星中亥正二刻九分氏星中
子初三刻一分房星中子正初刻八分心星中子
正二刻二分尾星中丑初三刻十二分箕星中故
東方七宿先角次亢次氏次房次心次尾而訖於
箕皆因其先後中於南方以爲序餘三方各七宿
以中星先後爲序皆無異舊圖定序不紊但與今
圖左右異旋則定序未嘗不紊定方亦因以淆雖
於仰觀爲便然俯視之則西方七宿反在東東方

七宿反在西地與天象不翻齧難合哉是不可以
不辯

參星圖



丹元子步天歌

參總有三星觜相侵兩肩雙足三爲心伐有三星
足裏深玉井四星右足陰屏星兩箇井南襟軍井
四星屏上吟左足下四天廁臨廁下一物天屎沈
參一度考

據舊志云井鬼之分入參一度考三易洞璣參一
度無當度之星其前後當度星爲廁爲天關天關
與觜爲同度則參一度在廁與觜嚮之間也

星野闕疑

考三易洞璣分星分度表地以山意以州縣城名
沿革不常而名山不改其稱也據廣輿記成都府
屬名山可的指者武擔山在府城北星係壁一度
香雲山在仁壽星係室十四度華萼山在內江星
係室十六度青城山在灌縣星係室十四度逍遙
山在簡州星係壁二度天社山在新津星係室十
二度武都山在綿竹星係虛五度大匡山在彰明
星係危十三度然則通省志云成都府屬井鬼之
分入參一度亦不必拘也姑闕疑以俟訂

續修羅江縣志

戶口志

前志載嘉慶七年報部編審承糧花戶人丁一萬三千二百六十八丁同治四年遵查增至一萬三千七百四十四戶男六萬零一百九十八丁女四萬六千二百三十九口

續修羅江縣志

倉儲志 新增

嘉慶二十二年新設義倉買田壹百叁拾玖畝柒
分貳釐每年納租市斗壹百六十肆石

續修羅江縣志

市鎮志 新增

文星場 縣北二十里

中興場 縣南三十里

和豐場 縣南二十里

永興場 縣北三十里
與安縣連界

觀音場 縣北二十里

黑角場 縣東南二十里

新盛場 縣東三十三里

docsriver 文川网
入驻商家 古籍书城

在文川网搜索古籍书城 获取更多电子书

回龍塲 縣東三十里

續修羅江縣志

津梁志 新增

三緣橋 縣南二十里俗以石工堅大呼為蠻子橋

古金鴈橋 縣北三里

二道橋 北四里

平安渡橋 縣北七里許

黑灘子橋 縣東北十五里昔設渡今改建橋

富貴橋 縣西四十里與綿竹連界邑人李萬富李萬貴捐修